

1938 год

НОЯБРЬ 15 лун

№ 231 (1867)

Месяцас нэтэ 24-ись

Пролетарийез бидэс странаезись, атлаасьэ!

ЛЕНИН ТУЙ ВЫЛЭТ

(По ленинскому пути)

ПОДПИСКАЛЭН ЦЕНА

1 год кежэ 14 р. 40 к.

6 месяц кежэ 7 р. 20 к.

3 месяц кежэ 3 р. 60 к.

1 месяц кежэ 1 р. 20 к.

Редакциялэн адрес: г. Кудымкар, Горького 27 (6) телеф. № 1-87

ВКП(б) Окружкомлэн, ВКП(б) Кудымкарскэй Райкомлэн да Окрисполкомлэн орган

Организованнэя ыстыны вэрэ уджалісь вын

Пондэтчис тэвсэ вэрэзаготовитан сезон. Быдсэн лесопункт'езын, мехлесопункт'езын усиленнэя заптиссья вэр. Вэрэ локтэны сё виль и виль вэркераліссез. Постоянней кадрез дынэ содэны вэркераліссез, кэднйя локтэны колхоз'езись. Вэркераліссез, кэднйя уджалэны быд лун, сетэны выльняжык удж производительность, содэны да быдмэны стахановецпезлэн рядд'ез.

Самковскэй лесоучастокись стахановец Ковыляев Семен вэркералан сезон пондэтикэ-жэ локтис керны вэр. Ковыляев лесоучастокын медбур стахановец, лунся норма тыртэ 220—250 процент вылэ.

Тукачевскэй мехлесопунктись Пыстговскэй лесоучастокись тысячникез Н. Г. Кривошеков, А. С. Баталов, И. В. Нешатаев лунся норма тыртэны 350—400 процент вылэ. Стахановка вэркералісь ёрт Баянлина Фекла Михайловна квать лунэн кераліс 90 фсметра.

Однако, мукэд сельсоветт'ез да колхозт'ез совершенно безответственнэя относитчэны вэркеран план тыртэм дынэ. Разинскэй сельсоветись Бобуневскэй да Разинскэй колхозт'ез энэдз лесоучастокэ ез обеспечитэ уджалісь вын. Кэть натодиль колхозникез коласын валі чулэтэмась собраннэез вэрзаптан план тыртэм йылісь да уджаліссезэс вэрэ набирайтэм йылісь.

С'етшэм-жэ положеннэ имейтэ места и Юкеевскэй лесопунктын, кытэн 500 морт туйэ уджалэны токо 15—20 мортэн. Зиминскэй да Кайсаровскэй колхозт'ези сь руководителлэз этік морт эз ыстэ вэрэ. Вэркералан план Юкеевскэй лесоучастокын тыртэм токо 14,8 процент вылэ.

Етшэм положеннэ лоис сысьянь, што леснэй организацияез ез вермэ оджык организованнэя набирайтны народсэ. Колэ висьтавынь, што етшэм бездействиэ да беспечность оз имейт нем общэйэ государственнэй вэрзаготовитан заданнэ тыртэм интерес'езкэт. Сезонникезэс

набирайтэмын ез вэв проявитэм организованность. Сы туйэ, медбы организвйтны набор, то леспромхозт'езлэн унайсь вежсьявліс вербовкалэн планц'ез. С'етшэм-жэ страннэй да беспечнэй позиция занимайтэны статистическэй учетлэн секторрез. Красно-Курьинскэй лесоучастокын энэдз оз тэдэ кыным нылэн вэрзаготовитиссез.

Быдэс етна фактт'ез свидетельствуйтэны, што леснэй организацияез ез кутчэ большевистскэя пессьны боевэй задачеэ осуществитэм понда. Компермлес трестын, леспромхозт'езын, мехлесопункт'езын да лесопункт'езын рабочэй вын эктэм пондэтчисэ токо медбэр'я лунн'езэ. Видісь повторайтчэ сия важ история: локтис уджаліссез понда абу готвитэмэсь керкуез, абу сетэмэсь культурно-бытовэй условияэ, нійэ умэля снабжайтэны недоброкачественнэй инструмент'езэнь.

Етшэм практикаэ колэ ликвидируйтны немедленнэя, эвисянь-жэ быдэс колхозт'езись вын ыстыны вэрэ. Сезонникэ леснэй организацияез обязансья сувтэны нормальнэй условияэ. Эні основнэй задача—рабочэй вын вербуйтэм. Перытжыка да организованнэйжыка вэркераліссез, вэркыскаліссез да грузчиккез наборсянь зависитэ кварталнэй да годовэй вэрзаптан план тыртэм.

План тыртэм зависитэ сысьянь, кызд ноябрь—декабрь месяцпезэ лоас организуйтэм вэрзаготовитиссезлэн массово-политическэй удж, кызд кужасэ организуйтны социалистическэй соревнованнэ да стахановскэй движеннэ, насколько правильнэя кужасэ организуйтны вэрзаптаннэ быд производственнэй процесс.

Ёртт'ез, колхозт'езись да сельсоветт'езись руководителлэз! Партия да правительство требуйтэны тиясьянь беспрекословнэя тыртны государственнэй заданнэез вэрзаготовкаэз вылэ уджаліссезэс набирайтэмын. Кыв тиян сайынь!

Босьтисэ первэйся места

Самковскэй лесоучасток вэрзаготовитан план тыртэмны округ пасьта занимайтэ первэйся места. Ноябрь 10 лун кежэ ета участок кераліс 41,5 процент вылэ. Самковскэй лесоучастокын уджлэ отсаліс

социалистическэй соревнованнэ.

Стахановецпез Ковыляев, Попов, Старцев, Цыбин да Истомин лунся норма тыртэны 220—250 процент вылэ.

Густоев

Великэй Октябрьскэй Социалистическэй Революциялэн 21 гедовщина Москваын 1938 годэ ноябрь 7 лунэ празднуйтэм.



Снимок вылын: партиялэн да правительстволэн руководителлэз (веськытлань-сыянь шулъгалань) В. М. Молотов, Л. М. Каганович, К. Е. Ворошилов, И. В. Сталин да Н. И. Ежов приветствуйтэны демонстрантт'езэс. Фото Ф. Киселовлэн (Прессклише).

Ёрт М. И. Калинин да господин Ф. Рузвельт коласын телеграммаезэн вежсьям

СССР Верховнэй Совет Президиумлэн председателэ ёрт М. И. Калинин Великэй Октябрьскэй революциялэн XXI годовщина связын получитіс США-ись президентсянь господин Фрэнклин Рузвельт-сянь с'етпэм телеграмма:

„Национальнэй годовщина связын примитэ менчим поздравленнэез да благополучиелісь искреннэй пожеланнэез тиян странаись народлэ.

„Фрэнклин Рузвельт“

Ответа ёрт М. И. Калинин господин Фрэнклин Рузвельтлэ ыстис телеграмма, кэдаын баитсья:

„Искреннэя ценита тиянлісь любезнэй поздравленнэ Октябрьскэй социалистическэй революциялэн 21 годовщина случай сьэрти. Примитэ менчим с'етшэм-жэ добрэй пожеланнэез, кытшэмэсь валісэ ыразитэмась тиянэн.

„М. Калинин“

Менэ воспитайтис Ленинлэн—Сталинлэн партия

Мырэн абу с'етшэм счастливей молодежь, кытшэм миян Советскэй странаын молодежь, кэдэ воспитывайтэ да руководитэ сыэн Ленинлэн—Сталинлэн великэй партия. Миян советскэй, счастливей молодежь быллань осьтаэсь ыбэс-с'ез. Нія вермэны велетчынны да получитны шэрэт да высшэй образованнэ.

Ме ассим айэс ог тэд. Сія валі вийэм мировэй империалистическэй война коста, а 1921 голэ куліс мамэ. Ме с'ек кольччи дядя воспитаннэ вылэ. И с'ек думайті, што ме лишитэм быдэс возможностезісь лоны настоящэй мортэн.

Но нет, ета ез ло сидэ токо сійэн, што партия да

правительство заботитчэны быд морт понда. Советскэй власть, кэдэн руководитэ Ленинлэн—Сталинлэн партия да ёрт Сталин, сетисэ меным возможность велэтчынны да 1934 годин кончитны дорожно-строительнэй училище. Велэтчэм бэрны ме уджалі производствэ вылын. Быд шаг вылын ме чувствуйті морт йылісь сталинскэй забота.

Тергиттэг визчиси Рабоче-Крестьянскэй Краснэй Армияэ призыв. И эні ме Краснэй Армия рядд'езын и радостьэн новйэта Рабоче-Крестьянскэй Краснэй Армияись воинлісь званнэ, выполняйта долг советскэй народ одзын.

И ета голэ менам олэмын наступитисэ самэй счастли-

вей да радостнэй лунн'ез. Ме таво пыри Ленинскэй комсомоллэн рядд'езэ.

Ленинскэй комсомоллэн XX годовщина кежэ да Великэй Октябрьскэй социалистическэй революциялэн XXI годовщина кежэ боевэй да политическэй учеба сьэрти ме добитчи отличнэй показателлэездэ. Менэ воспитайтис Ленинлэн—Сталинлэн партия да Ленинскэй комсомол.

Великэй доверие, кэда сетэм меным, оправдайта честьэн. Лоа конечэлз преданнэй асланым родиналэ, большевистскэй партиялэ да ёрт Сталинлэ, понда мыдзтэг уджавны ассиным родина крепитэмын да защищайтны сійэ.

Н-скэй воинскэй частись курсант Е. А. Тупицин

Кемаль Ататюрклэн кулэм

Анкара, ноябрь 10 лун.

Анатолийскэй телеграфнэй агентство сообщеннэ сьэрти, талун асывнас куліс Турецкэй республикаись президент Кемаль Ататюрк.

Республикаись президентлэн функцияэз, Турецкэй конституция сьэрти времённэя возложатэмась Великэй национальнэй собраннэись председателэ Абдулхалик Рендала вылэ. Ноябрь 11 лунэ керсья виль президентэн бэрйэм понда Великэй национальнэй собраннэ (парламент).

Турецкэй республикаись президент Кемаль Ататюрк кулэм случай сьэрти, министррез советлэн председателлэ господин Д ж е л я л ь Баярлэ ёрт В. Мол тов, Великэй национальнэй собраннэлен председателлэ господин Абдулхалик Рендала ёрт М. Калинин да иностраннэй делегэсэн министрлэ господин Тевфик Рюшту А р а с л а ёрт М. Литвинов ыстисэ соболезнованнэ телеграммаэз.

Партийнэй олан

Большевистскэя организуитам партийно-политическэй удж

Самковскэй вэрзаптан участок не эддэн важын а с и с производственнэй план тыртліс позорно умэля. Эта йылісь причинаэн лыддывлісэ сійэ, што колхозниккез „умэля“ уджаланы. А сійэ-ли действительно вэлі причинаэн? Конечно, не сійэ. Эта вэлі колхозниккез вылэ токо клеветаэн.

Производственнэй план умэля тыртліс (да и эні ешэ ошш'ясын эддэн оз позь) сійэ, што уджалісь колхозниккез да колхозницаез коласын ез вэв сувтэтэм некытшэм партийно-политическэй удж. И справедливэя эта йылісь гижліс „Ленин туй вылат“ газета.

Эні коммунист'ез коласын, комсомолецез коласын да беспартийнэй актив коласын организуитим ВКП(б) историялісь Краткэй курс изучайтэм. Комсомолец Ужегов уджалэ Бобуневскэй куренья счетоводэн, сылэ ылын ветлэтны занимайтчыны этлаэ и ме, кыз парторг, сетавла этнасылэ торйэн заданнээ, кэлэ сійэ изучайтэ самостоятельнэя.

Организуитим 17 мортісь агитколлектив, кэдна колхозниккез коласын проработывайтэны текущэй политика йылісь газетнэй материал.

Одзася свинарка ёрт Трапезникова эні уджалэ ларекын вузасисын лоис медбур агитаторэн. Сія быд лун колхозниккез коласын чулэтэ беседаез, горэн лыддытэ газетаез, раз'ясняйтэ международнэй вопроез и сідэ одзлань.

Оправдайтим колхозниккезлісь доверие

Медбы полудитны лёнлісь бур да ыджыт урожай, мян колхозісь лёнвэдитісь бригада лунісь лунэ подготавлийтисэ ета понда условияез. Ешэмэймуся годсынь бригада вэлі янсэтэм куим звено вилэ. Мийэ лён увтэ му герим арсянь, а тулыснас герим ешэ медпэв и токо сыбэрын бур сортированнэй кэдзысэн пондін кэдзын. Пинялім ми сідэ-жэ кыз и сю увтэ, а мукэд местаезын ешэ буржыка.

Кэр петісэ первэй лёнбыдмасс'ез, мийэ весэтим, а кэр быдмыштисэ весэтим медпэв. Лён петісэ бур, но ыб вылісь сторож Гордеев Степан Михайлович л'едзис пода, мысь не йетша травитис лён. Но быдэс инькаезлэн заботаэн мийэ кужим сійэ быдтыны бурэн и сэтэмэн.

16 гектарис ми летім 25000 сн п, кыс кэдзыс полудитим 38 центнер да лён-треста не йетшажык 200 центнерся. Эні быдэс лён т'ечэм учитикшором-

Великэй Октябрьскэй социалистическэй революциялэн 21 годовщина лунэ колхозниккез коласын чулэтим нель лекция: Самкован, Ерем ушкинан, Учэт-Вожын да Нестерован. Лекцияезэн охватитим 192 морт.

Молодежь-стахановецез организуитисэ фотокружок, кэдна праздник кежэ л'едзисэ фотогазета. Уджалісэ коласын партийно-политическэй удж нуэтэм отсаліс колхозниккезлісь л'ебтыны активность. Нія организуитисэ драматическэй да хоровай кружоккез и асланыс силаэн сувтэтлісэ кык постановка да нель самодетельнэй вечерез.

Эмлян общественнэй активносткэт л'ебис и уджлэн производителность. Быдмисэ замечательнэй стахановецез, кыз Каряшорскэй куренісь Ковыляев Семен, кэда ассис лунся нормаез тыртэ 220—250 процент вылэ.


Партийно-политическэй удж нуэтэмэн да участокын стахановскэй движенилэн пондэтчэм обеспечитисэ вельэдз квартался план тыртны 41,5 процент вылэ. Самковскэй вэрзаптан участок медбэр'я местасянь локтис первэй местадз округ пасыта.

Эні мян олзын сұлалэ задача ешэ буржыка сувтэтны партийно-политическэй удж, кэда бы обеспечитисэ производственнэй план не токо тыртны срок кежэ, но сетны уна содтээн.

Самковскэй вэрзаптан участокис парторг

А. Ф. Гуцин

Великэй Октябрьскэй Социалистическэй революциялэн 21 годовщина
Москвын 1938 годэ ноябрь 7 лунэ празднуйтэм.
Краснэй площадь вылын войскаезлэн парад.



Снимок вылын: Н-скэй срединеннёлэн мотоциклист'ез парад вылын
Фото Д. Черновлэн да А. Межуевлэн (Прессклише)

Торговлялісь работниккезэс политическэя да техническэя воспитайтэм понда

Партия да советскэй правительствэ сетэны советскэй торговлялэ ыджыт отсэт. Однако мян округисэ торговэй организацияез уджын сё ешэ емэсь ыджыт недостатоккез, мыйсянь торговляис кольччэ требованнээсянь, кэдне пред'являйтэ населеннэ.

Недостаточно культурнэя обслуживайтэны торговэй работниккез ньэбсисьсэ. Мукэд магазин'езас да столоваййезын оз чувствуйтэсь ньэбсисэ йылісь заботаис, абу товарлісь асортимент паскэтэм понда некытшэм пессьэм. Чэсто овла сідэ, што отсуетувуйтэ быдлуныспроса товар—пизь, крупа, пэжалэм нянь, сов, хозяйственнэй матеж, повидло, вареннэ да сідэ одзлань, кэтэ и ета товарис куйлэ склад'езын. Например, Кочеван № 1 магазинн (продмаг) ез вэв маннэй да идовэй крупа, пизь, сов, трубчнэй да вюхательнэй табак. Петуховскэй сельпоис магазин'езын некытэн абу повидло, а райпотреб-

союз склад'езын ета товарис куйлэ. Кудымкарись межрайторг магазин'езись некытисэ он вермы ньэбны халва.

Округисэ мукэд магазин'ез, особенно сельскэййез видзэтэны некультурнэя, а торговэй работниккез этэн миритчэны. Кочеванс мукэд продавецез (Коташев С. А., Дружинин И. И., Радостев Н. М.) уджаланы халатт'езатэг. Медосмотр оз овлы. Мукэдыс нарушайтэны товарлісь ценаез, бабэтлэны ньэбсисьсэ.

Оз позь кольны и с'етшэм факт, кэр магазин'ез осьлэны сёрэн, керэны продавецез прогулчез, пьянствуйтэны. А этасянь дозны ыджыт растратаез. 1938 год июль 1 лун кежэ окрпотребсокс система кузья растратаис составляйтэ 492,9 тысяча руб.

Мян округын торговлялэн кольччэмыс обясыайтэ медперво сійэн, што торговлялэн работниккез коласын некия оз нуэт некытшэм массово-политическэй удж.

Ёрт Сталин ВКП(б) ЦК-лэн февральско-мартовскэй Пленум вылын баитис: „Оз позь янсэтны политикасэ хозяйство дывісь. И сійэ, кин думэйтэ мян практическэй уджын янсэтны хозяйствосэ политика дывісь, усилитны хозяйственнэй уджсэ политическэй удж чинтэм ценаэн, нето, наоборот, усилитны политическэй уджсэ хозяйственнэй удж чинтэм ценаэн—сія обязательно шедэ тупикэ“.

Народлэн вождэ ёрт Сталинлэм этна указаннэез реализуйтсэны умэля. Торговэй организацияезисэ не руководителлэз да профсоюз'ез езе организуйтэ торговлялэн работниккез коласын политикомассовэй удж да техническэй учеба.

Партийнэй, комсомольскэй да профсоюзнэй актив долженэсь кутчыны торговэй кадрезэс воспитайтэм бердэ—и медперво прилавоклісь, столоваййезисэ да хлебопекарняис работниккезэс.

И. Н. Яковкин

Куш туся ид йылісь

Кынымкэ год бэрлань, Юрлинскэй районисэ Зюдинскэй колхозісь колхозница ёрт Ведерникова адзис куим шеп куш туся ид и размножитис сійэ. Но кинкэ халатностсынь нето невежествосынь колхозница Ведерниковаэн размножитэм куш туся (голозернэй) ипыс мэд годд'езас вэлі сорлалэм пленчатэй идэн.

1938 годэ Степановскэй сортоучасток вайис Зюдинскэй колхозісь етэ куш туся идсэ пленчатэй идыскэт сорлалэмсэ и бэрйис ручнэй способэн. Етэ зюдинскэй куш туся идсэ

сортоучасток размножитис и 1938 годэ полудитис 8 килограмм кэдзыс. Эта сьэрти зюдинскэй идыслэн урожайностысэ лоис вылынжык с'етшэм-жэ сортовэй идысся.

Куш туся идыс муна идовэй да перловэй крупа понда. Сія содержитэ тусяе повышеннэй количество белоккез, этэн этласэ чорыт шогдікэт, кэда ценнайжык кондитерскэй производство да хлебопеченнэ понда.

Сожаленнэ, куш туся идыс распространитам токо СССР-исэ лунся районисэ. Но воз-

можно, што кыз селекционнэя пыртны виль сорт'езэс нето приспособитны кыз важжезэ, мийэ вермамэ вештыны куш туся идсэ ой вылэ, кыз вештамэ ой вылас шогді. Одзлань сортоиспытаннэис мыччалас, позь-я кэдзын куш туся идсэ Коми-Пермяцкэй округас.

Колхозница ёрт Ведерникова, кыз активнэй социализм строятисэ, ета случайын проявитис замечательнэй инициатива. Сылэн инициативаис вермас вайэтны округын эддэн ценнай сорта ид распространитэм дывнэ. Ф. Медведев

